



## МЕСЯЦА СЕНТЯБРЯ В 14-й ДЕНЬ

### Всемирное Воздвижение честнаго и животворящаго Креста

#### НА МАЛЕЙ ВЕЧЕРНИ

#### Стихиры, глас 1.

Подобен: Небесных чинов:

**К**рест возносится, и демони прогоняются, / разбойник Едема убо врата отверзает, / смерть умерщвляется и ныне пуста явися, / Христос величается. / Тем веселитесь, вси земнороднии, // клятва разрушися. *Дважды.*

**П**риидите, боголюбиви вси, / Крест честный возносимый видяще, / возвеличим купно и славу дадим / Единому Избавителю и Богу, взывающе: / Распныйся на Древе крестнем, // не презри молящихся нас.

**Г**оресть древле ослаждая, Моисей / избави Израиля, / образом Крест прописуя, / мы же, сего вси божественно, вернии, / таинственно воображающе в сердцах наших всегда, // спасаемся державою его.

#### Слава, и ныне, глас 6. Самогласен:

**Д**несь сад животный / от земных незаходимых недр происходит, / на нем пригвожденнаго Христа известует Воскресение / и, воздвигаемый руками священническими, / Того на Небесах возвещает возношение, / имже наше смешение от еже на землю падения / на Небесах жительствует. / Темже благодарственне возопиим: / Господи, вознесийся на нем и тем совознес нас, / Небесная Твоея радости сподоби, // яко Человеколюбец.

**Прокимен дне. И Сподоби, Господи:**

## На стиховне стихиры, глас 2.

Подобен: Дóме Евфрафов:

**Водóю боготвóрною/ и Крóвию Твоёю, Сло́ве,/ свѣтло  
Цѣрковь украша́ется,/ я́ко неvéста,// Крестá сла́ву  
пою́щи.**

**Стих: Возносите Гóспода Бóга нашего// и поклоня́й-  
тесь подно́жию но́гу Егó, я́ко свято есть.**

**Копи́е со Крестóм,/ гвóзди и инáя,/ и́миже живо-  
но́сное/ Христóво пригвозди́ся Тѣло,// вознося́ще,  
поклони́мся.**

**Стих: Бог же, Царь наш прѣжде вѣка,// соде́ла спасе́-  
ние посреде́ земли.**

**Егда́ Амали́ка/ Моисей побежда́ше,/ на высотú рúце  
имéя/ крестоявлéнно,// образова́ше Христóву Стрaсть  
пречы́стую.**

## Сла́ва, и ны́не, глас 6:

**Днесь Дре́во яви́ся,/ днесь род еврейский погíбе,/  
днесь вѣрными царí вѣра явля́ется,/ и Ада́м дре́ва  
ра́ди испаде́,/ и па́ки Дре́вом дѣмони вострепетáша://  
Всесильне Гóсподи, сла́ва Тебѣ.**

## Тропа́рь зри на вели́цей вечерни.

### По отпу́щении же ма́лыя вечерни:

**Вхóдит еkkлисиáрх со иере́ем и диáконом и пара-  
екклисиáрхом в жѣртвенник со свещáми, и облачит́ся  
иерей и диáкон; и, кади́в честный Крест, глаго́лет:  
Благословí, Влады́ко. Иерей: Благословѣн Бог наш:  
Та́же Трисвятóе и по Отче наш: Тропа́рь Крестá: Спасí,  
Гóсподи, лю́ди Твоя́: Сла́ва, и ны́не, конда́к. И взима́ет  
иерей честный Крест с блю́дом на главú, и вно́сит егó  
во святýй олта́рь, преды́дущим же пред ним со двема́  
лампа́дами, и полага́ет честный Крест на святѣй тра-  
пѣзе на Евáнгельстем мѣсте, и вжигáют пред ним свещú  
на всю ночь, а Евáнгелие поставля́ет на Гóрнее мѣсто.**

Подоба́ет вѣдати:

ЗРИ

**Я́ко а́ще случíтся прáздник сей в Недѣлю, ничтóже поѣтся  
воскресно, ни стихиры воскресны, ниже непорóчны, ни сте-  
пѣнна гласа, ни Евáнгелие воскресно чтѣтся: тóчию Воскресѣние  
Христóво: глаго́лем; не поѣтся же и Свят Господь Бог: но поём  
всю слúжбу прáздника.**

## НА ВЕЛИЦЕЙ ВЕЧЕРНИ

**Аще в суббóту вéчера, поём Блажён муж: кафíсму всю.**

**Аще же в Недéлю вéчера, поём Блажён муж: 1-й антифóн.**

**Аще ли во инýй день, Блажён муж: не поём, но по предначинáтельном псалмé поём: Гóсподи, воззва́х: на глас 6. И поём стихи́ры, глас 6.**

**Подобен: Все отлóжше:**

**Крест воздвига́емь/ на нем Вознесённаго Страсть пречíстую/ пéти повелева́ет тва́ри всей./ На том бо убíв нас убíвшаго,/ умерщвлённыя оживíл есть,/ и удобрí, и на Небесéх жíти сподóби, я́ко Милосéрд,/ премно́жеством бла́гости./ Тем, ра́дующеся, вознесём íмя Егó// и Тогó возвели́чим кра́йнее снизхождéние. *Трижды.***

**Моисéй предобразí тя,/ рúки простёр на высотú,/ и побежда́ше Амалíка мучíтеля,/ Кресте честнýй,/ вёрных похвалó,/ страда́льцев утверждéние,/ апóстолов удобре́ние,/ праведных побóрниче,/ всех преподóбных спасíтелю./ Тем, ты воздвига́ема зря́щи, тварь веселíтся/ и торжествует, сла́вящи Христа́,// тобою́ разстоя́щая собра́вшаго кра́йнею бла́гостию. *Трижды.***

**Кресте пречестнýй,/ егóже обсто́ят чíни а́нгельстии, веселя́щеся,/ днесь воздвига́емь,/ Божéственным мановéнием возно́сиши вся/ окрадéнием снэди отгнáнныя/ и в смерть попóлзшиися./ Тёмже ты сердцý и устна́ми, вёрнии, лобыза́юще,/ священíе почерпа́ем,/ возно́сите, вопи́юще, Христа́, Преблагáго Бóга,// и Тогó поклоня́йтеся Божéственному подно́жию. *Дважды.***

### **Сла́ва, и ны́не, глас 2:**

**Приидíte, вси язýцы,/ благословённому Дре́ву поклонíмся,/ íмже бысть вéчная правда:/ праотца́ бо Ада́ма прельстíвый дре́вом/ Крестом прельща́ется/ и па́дает, низвёржен, падéнием страна́ным,/ мучíтельством одержáвый ца́рское зда́ние;/ Кро́вию Бóжиею яд змíев отмывáется,/ и кля́тва разруши́ся осуждéния праведнаго,/ неправедным судом Праведнику́ осуждéну бýвшу;/ Дре́вом бо подобáше дре́во исцелíти/ и Стра́стию Безстра́тнаго, я́же на Дре́ве,/ разрешíти стра́сти осуждённаго./ Но сла́ва, Христé Царю́,/ е́же**

о нас Твоему мѹдрому смотрѣнію,/ ѳмже спасл еси  
всех, // яко Благ и Человеколюбец.

### Вход. Прокімен дне.

**Аще случится праздник сей в субботу, в пятѡк вечера  
прокімен дне оставляется и поѣтся прокімен вели-  
кий, глас 7: Бог наш на Небесѳ и на землі // вся, елика  
восхотѣ, сотвори. Понѣже в субботу вечера поѣтся про-  
кімен: Господь воцарѳся:**

### И чтѣнія.

#### Исхода чтѣние (глава 15):

Поѳт Моисѣй сыны Израїлевы от моря Чермнаго и  
ведѣ тѳя в пустыню Сур, / и идѳху три дни в пустыни,  
и не обрѣтаху воды, да бѳша пѳли. / Приидѡша же в  
Мѣрру и не можѳху пѳти воды из Мѣрры, горька бо бе; /  
сего ради наречѣся ѳмя мѣсту томѹ: горѣсть. / И роптѳху  
людіе на Моисѣя, глаголюще: что пиѣм? / Возопѳ  
же Моисѣй ко Господу, и показѳ емѹ Господь дрѣво, /  
и вложѳ тѡе в воду, и сладка бысть вода; / тамо положѳ  
емѹ Бог оправдѳнія и судѳ. / И тамо искушѳше егѡ и  
речѣ: / Аще слѹхом услышиши глас Господа Бѡга твоегѡ,  
и угѡдная пред Ним сотвориши, / и внушиши заповѣди  
Егѡ, и сохраниши вся оправдѳнія Егѡ, / всяку болѣзнь,  
ѳже наведѡх егѳптяном, не наведѹ на тя. / Аз бо есмь  
Господь, исцѣляѳй тя. / И приидѡша во Елім, и бѳху  
тамо дванадѣсѳть истѡчников вод, и сѣдмьдесят стѣблей  
фѳниковых, / и ополчѳшася тамо при водах. / И воз-  
двигѡшася от Еліма, и приѳде весь сонм сынов Израї-  
левых в пустыню Син, / ѳже есть мѣжду Елімом и  
междѹ Сїною.

#### Прѳтчей чтѣние (глава 3):

Сѳне, не пренебрегаѳ наказѳнія Господня, ниже  
ослабеваѳ, от Негѡ обличѳемый. / Егѡже бо любит  
Господь, наказѹет, / биѣт же всякаго сѳна, егѡже при-  
ѣмлет. / Блажен человек, ѳже обрѣте Премѹдрѡсть, /  
и смѣртен, ѳже увѣде рѳзум. / Лѹчше бо Сїю купѡвати,  
нѣжели злѳта и сребрѳ сокровища. / Честнѣйшая же есть  
камений многоцѣнных, / не сопротивлѳется Еѳ ничтѡже  
лукавое, / благоразѹмна есть всем любѳщим Ю, / вся-  
кое же честнѡе недостѡйно Еѳя есть. / Долготѳ бо житѳѳ

и лёта жизни в деснице Ея./ В шуйце же Ея богатство и слава,/ из уст Ея исходит правда,/ закон же и милость на языке носит./ Путиё Ея, путиё добры, и вся стези Ея с миром. Древо животá есть всем держащимся Ея/ и восклоняющимся на Ню, яко на Господа, твердá.

### Пророчества Исаиина чтение (глава 60):

Сия глаголет Господь:/ отвёрзутся врата твоя, Иерусалиме, вьну день и ночь/ и не затворятся,/ еже ввести к тебе силу языков и царй их ведомыя./ Языцы бо и царие, иже тебе не порабóтают, погибнут, и языцы запустением запустеют./ И слава Ливанова к тебе придет, в кипарисе, и пёвке и кёдре вкупе, прославити место святоё Моё, и место ног Моих прославлю./ И пойдут к тебе, боящися, сынове смиривших тя и прогневавших тя и поклонятся следом ног твоих вси прогневавший тя,/ и наречешися град Господень,/ Сион Святаго Израилева,/ за еже быти тебе оставлену и возненавидену, и не бе помогайя тебе./ И положу ты в радость вечную, веселие родом родов./ И иссеши млеко языков, и богатство царей снеси,/ и разумеши, яко Аз Господь, спасаая ты и избавляя ты, Бог Израилев.

### На литии стихиры самогласны, глас 1.

#### Андрея Иерусалимскаго:

Днесь яко воистину/ святовещанный глагол Давидов конец прият:/ се бо яве пречистых ног Твоих поклоняемся подножию/ и, на сень крилу Твоею надеющися,/ Всещедрый, вопиём Ти:/ да знаменается на нас свет Лица Твоего./ Православных людей Твоих рог вознеси/ честнаго Креста Твоего воздвижением, // Христё Многомилостиве.

Насажденное в краниеве месте Древо сущаго животá,/ на нёмже содела спасение Превечный Царь посредё земли,/ возносимо днесь, освящает мира концы,/ и обновляется Воскресения дом./ Радуются Ангели на Небеси,/ и веселятся человецы на земли,/ Давидски вопиюще и глаголюще:/ вознесите Господа Бога нашего/ и поклоняйтесь подножию ногу Его,/ яко свято есть, // подай миру велию милость.

Прообразуя Крест Твой, Христё,/ патриарх Иаков, внуком благословение даруя,/ на главах прменены руки сотвори./ Егóже, Спасе, мы днесь возносяще,

взываем:/ даруй христоролюбивому воинству победы, // яко Константину одоление.

### Глас 2.

**Феофаново:** Божественное сокровище, в земли скрываемо,/ Жизнодавца Крест,/ на небесех показася царю благочестивому/ и победы на враги подписание являет разумно;/ егоже, радуясь, верою и любовью, божественно востек к высоте зренья,/ тщанием же того от земных недр изнесет, // во избавление мира и спасение душ наших.

**Киприаново:** Рук пременение патриарха Иакова/ на благословение чад/ державное Креста Твоего предъявляше знамение;/ егоже мы держаще тверда хранителя,/ демонския всемошно отгоним полки/ и велиарову гордыню в нем низлагаем,/ враждебнейшаго Амалика побеждаем всегубительную силу./ Того и ныне возносима/ благочестивомудренно, вернии, во очищение грехов,/ Твоей благодати, во многомножайшем гласе вопиюще, приносим:/ Господи, помилуй,/ из Девы воплотивыйся, // ущедри рук Твоих, Блаже, мудрое создание.

**Льва Деспота:** Ты мой покров державен еси,/ тричастный Кресте Христов,/ освяти мя силою твоєю, // да верою и любовью поклоняюся и славлю тя.

### Глас 4:

Восплещем днесь песненное торжество/ и светлым лицом и языком ясно возопийм:/ нас ради, Христе, суд приемый,/ и оплевания, и раны, и червленницею одеявыйся,/ и на Крест возшед,/ егоже видевши, солнце и луна свет скривша,/ и страхом земля колебашеся,/ и завеса церковная раздрася на двое./ Ты и ныне даруй Крест Твой честный нам блюстителя и хранителя/ и прогонителя демонов,/ яко да вси, облобызаяюще, вопиём ему:/ спаси ны, Кресте, силою твоєю,/ освяти ны светлостию твоєю, честный Кресте,/ и укрепи ны воздвижением твоим,/ яко свет нам дарован еси // и спасение душ наших.

**Анатолия:** Светосиянен звездами образ/ предпоказа, Кресте, победу одоления/ благочестивому царю великому,/ егоже матери Елена изобретши,/ мироявленна сотвори,/ и, ты днесь воздвижуще, верных лица, зовем:/

просвети ны свѣтлостію твоёю,/ Кресте живонóсный,/ освяті ны крѣпостію твоёю,/ всечестный Кресте,/ и утверди ны воздвѣжением твоим, // воздвизаемый ко ополченію враговъ.

**Слава, и ныне, глас тойже. Анатолія:**

Честнаго Креста, Христѣ, дѣйство прообразив, Моисей/ победі противнаго Амаліка в пустыни Синайстей:/ егда бо простираше рѹце, Креста образ творя,/ укрепляхуся людіе;/ ныне же вещей сбытіе в нас исполнися,/ днесь Крест воздвизается,/ и дѣмони бѣгают,/ днесь тварь вся от тли свободися,/ вся бо Креста ради возсияша нам дарования./ Тѣмже, радующеся, вси/ припадаем Тебѣ, глаголюще:// яко возвеличишася дѣла Твоя, Господи, слава Тебѣ.

**На стихóвне стихиры, глас 5. Самоподобен:**

Радуйся, живонóсный Кресте,/ благочестія непобѣдимая побѣда,/ дверь райская,/ вѣрных утверждение,/ Цѣркве ограждение,/ имже тля разорися и упразднися,/ и попрося смѣртная держава,/ и вознесохомся от земли к Небесным;/ оружіе непобѣдимое,/ бесов сопротивоборче,/ слава мучеников,/ преподобных яко войстину удобрение,/ пристанище спасения, // даруяй міру вѣлию мѣлость.

**Стих:** Возносите Господа Бога нашего // и поклоняйтесья подножию ногу Его, яко свято есть.

Радуйся, Господень Кресте,/ имже разрешися от клятвы человечество,/ сущія радости знамение,/ прогоняяй враги во твоём воздвѣжении, всечестне,/ нам помощниче, царей державо,/ крѣпость праведных,/ священников благолѣпие,/ воображаемый, и лютых избавляяй,/ жезл силы, имже пасѣмся,/ оружіе міра, егоже со страхом обстоят Ангели,/ Христа Божественная слава, // подающаго міру вѣлию мѣлость.

**Стих:** Бог же, Царь наш прежде вѣка, // содела спасение посреде земли.

Радуйся, слепых наставниче,/ немощных врачѹ,/ воскресение всех умерших,/ воздвигнувый ны, во тлю падшия,/ Кресте честный,/ имже разрушися клятва, и процветѣ нетлѣние,/ и земнии обожихомся,/ и диавол всеконечно низвержеся./ Днесь воздвизаема

тя видяще рука́ми архиере́йскими, / возно́сим Вознесѣнаго посреде́ тебѣ / и тебѣ покланя́емся, // почерпа́юще богáтно ве́лию ми́лость.

**Сла́ва, и ны́не, глас 8. Иоáнна Моnáха:**

Его́же дрéвле Моисе́й прообразова́в собо́ю, / Амалі́ка низложи́в, победи́, / и Дави́д песнопéвец / подно́жию Твоему́, вопи́я, клáняться повелева́ше, / честнóму Кресту́ Твоему́, Христé Бóже, / днесь, грéшнии, клáняемся, / устнáми недостóйными / Ты, изво́лившаго пригвозди́тися на нем, воспева́юще, мо́лимся: // Гóсподи, с разбóйником Цáрствия Твоегó сподóби нас.

**Та́же: Ны́не отпу́щаеши:**

**На благословéнии хлéбов тропáрь, глас 1:**

**С**паси́, Гóсподи, лю́ди Тво́я / и благослови́ достоя́ние Твоё, / победы́ на сопроти́вныя да́руя // и Твоё сохра́няя Крестóм Тво́им жи́тельство. *Три́жды.*

**И чтем сло́во о честнѣм Дре́ве.**

**НА УТРЕНИ**

**На Бог Господь: тропáрь три́жды.**

**По 1-м стихослóвию седа́лен, глас 6:**

То́кмо водрузи́ся Дре́во, Христé, Крестá Твоегó, / основáния поколебáшася смёрти, Гóсподи: / Его́же бо пожре́ желáнием ад, отпусти́ трéпетом; / яви́л еси́ нам спасéние Твоё, Святы́й, / и славослóвим Тя, Сы́не Бóжий, помилуй нас.

**Сла́ва, и ны́не, глас 1.**

**Подóбен: Ка́мени запечатáну:**

Крестá Твоегó Дре́ву покланя́емся, Человеколю́бче, / я́ко на нем пригвозди́лся еси́, Животé всех. / Рай отвѣрзл еси́, Спа́се, ве́рою пришѣдшему Ти разбóйнику, / и сла́дости сподóбися, испове́даяся Тебѣ: / помяни́ мя, Гóсподи. / Приими́, я́коже она́го, и нас, зову́щих: / согреш́ихом вси, благоутрóбием Тво́им не прѣзри нас.

**По 2-м стихослóвию седа́лен, глас 6:**

Днесь прорóческое испóлнися сло́во: / се бо покланя́емся на ме́сто, / иде́же стоя́ша но́ги Тво́я, Гóсподи. /



И, Древо спасения приемше, / греховных страстей свободу получихом / молитвами Богородицы, Едине Человеколюбче.

**Слава, и ныне, глас 8.**

**Подобен:** Повеленное тайно:

Проображаше таинственно древле Иисус Навин Креста образ, / егда рuce простре крестовидно, Спасе мой, / и ста солнце, дондеже враги низложит, противостоящая Тебе, Богу; / ныне бо зайдет, на Кресте Тя зря, / и, державу смертную разрушив, / весь мир совоздвигл еси.

**По полиелее седален, глас 8.**

**Подобен:** Повеленное тайно:

В рай мя прежде древо обнажит, / о вкушении враг принося умерщвление, / Креста же Древо, живота одеяние человекомнося, / водрузися на земли, и мир весь исполнися всякия радости. / Егоже зряще возвышаема, / Богу верую, людие, согласно возопийм: / исполнь славы дом Твой.

**Слава, и ныне, тойже.**

**Степенна, 1-й антифон 4-го гласа. Прокимен, глас 4:** Видеша вси концы земли // спасение Бога нашего. **Стих:** Воспойте Господеву песнь нову, яко дивна сотвори Господь. **Всякое дыхание: Стих:** Хвалите Бога во святых Его: **Евангелие от Иоанна, зачало 42, от полу. Таже: Воскресение Христово: Псалом 50-й.**

**И стихира, глас 6:**

Кресте Христов, христиан упование, / заблуждших наставниче, / обуреваемых пристанище, / в бранех победа, / вселенная утверждение, / недужных врачу, / мертвых воскресение, // помилуй нас.

**Канон Креста, егоже краеграние:** Кресту, надеявся, пение отрываю. **Творение кир Космы.**

**Ирмосы по дважды, тропари же на 12, глас 8.**

**Песнь 1**

**Ирмос:** Крест начертав, Моисей / впрямю жезлом Черное пресечет, / Израилю пешеходящу, / тоже обратнo фараоновым колесницам, / ударив, совокупит, /

*вопреки написав непобедимое оружие.// Тем Христу поим, Богу нашему, яко прославися.*

*Образ древле Моисей пречистыя Страсти в себе самом прообразил,/ священным среди стоя:/ Крест же вообразив,/ простертыми победу дланями воздвиге,/ державу погубив Амалика всегубителя./ Тем Христу поим, Богу нашему, яко прославися.*

*Возложи Моисей на столпе врачество,/ тлетвориваго избавление и ядовитаго угрызения,/ и древу образом Креста/ по земли пресмыкающагося змия привязал,/ лукавный в сем обличив вред./ Тем Христу поим, Богу нашему, яко прославися.*

*Показал небо Креста победу благочестия держателю и царю богомудру,/ врагов в немже злосердных низложился свирепство,/ лесь же превратился,/ и вера распрострется земным концем Божественная./ Тем Христу поим, Богу нашему, яко прославися.*

*Катавасия, оба лика вкупе: Крест начертав:*

### Песнь 3

*Ирмос: Жезл во образ тайны приемлется,/ прозябением бо предразсуждает священника,/ неплодящей же прежде Церкви,/ ныне процветет Древо Креста,// в державу и утверждение.*

*Яко испустил, ударяемь, воду краесекомый/ непокоривым людем и жестосердым,/ богозванных проявляше Церкви тайнство,/ ейже Крест держава и утверждение.*

*Ребром пречистым, копием прободенным,/ вода с Кровию истечет,/ обновляющая Завет и омывательная грехов:/ верных бо Крест похвала и царей держава и утверждение.*

### Седален, глас 4.

*Подобен: Скоро предвари:*

*В тебе, преблаженне и жизнедавче Кресте,/ людие учреждающесе, спразднут с невестственными лики,/ чини архиерейстии благоговейно воспевают,/ множества же монашествующих и постников поклоняются,/ Христа же распяшагося вси славим.*

*Слава, и ныне, тойже.*

### Песнь 4

**Ирмос:** Услы́шах, Го́споди, / смотре́ния Твоего́ та́инство, / разу́мех дела́ Твоя́ // и просла́вих Твое́ Божество́.

Горько́родныя преложи́ дре́вом Моисе́й / исто́чники в пусты́ни дрéвле, / Кресто́м ко благоче́стию язы́ков / проявля́я преложе́ние.

Глуби́не вне́дривый секу́щую / издаде́ Иорда́н дрéву, / Кресто́м и креще́нием / сече́ние ле́сти зна́меную.

Свяще́нно ополча́ются / четвероча́стнии лю́дие, предхо́дяще / о́бразом свиде́тельства ски́нии, / крестоо́бразными чи́нми прославля́еми.

Чу́дно простира́емь, / со́лнечныя лучи́ испуща́ше Крест, / и пове́даша небеса́ / сла́ву Бо́га на́шего.

### Песнь 5

**Ирмос:** О треблаже́нное Дре́во, / на нёмже распя́ся Хри́сто́с, Ца́рь и Госпо́дь, / имже паде́ дрéвом прельсти́вый, / тобо́ю прельсти́всья, / Бо́гу пригвозди́вшуся Пло́тию, // пода́ющему мир душа́м на́шим.

Тебе́, приснопéтое Дре́во, на нёмже простре́ся Хри́сто́с, / Еде́м храня́щее обраща́ющееся ору́жие, Кресте́, устыде́ся: / стра́шный же Херуви́м уступи́ на тебе́ пригвожде́нному Хри́сту́, / пода́ющему мир душа́м на́шим.

Подзе́мных си́лы проти́вныя Креста́ страша́тсья / начертáема зна́мения на возду́се, / по нему́же ходят Небе́сных и земно́родных ро́ди, / ко́лена преклоня́юще Хри́сту́, / пода́ющему мир душа́м на́шим.

Заря́ми нетле́нными явльсья Божество́нный Крест / омраче́нным язы́ком, заблужде́нным в прелести́, / Божество́нный свет облиста́в, / усво́ет на нем пригвожде́нному Хри́сту́, / пода́ющему мир душа́м на́шим.

### Песнь 6

**Ирмос:** Во́днаго зве́ря во утробе́ / длáни Ио́на кресто́видно распросте́р, / спаси́тельную Стра́сть прообража́ше я́ве. / Тем, тридне́вен изше́д, / преми́рное Воскресе́ние прописа́ше / Пло́тию пригвожде́ннаго Хри́ста́ Бо́га // и тридне́вным Воскресе́нием мир просвеща́го.

Ста́ростию преклони́всья и недúгом отягче́н, испра́вися Ио́ков, ру́це премени́в, / де́йствие явля́я жизнано́снаго Креста́: / и́бо ве́тхость зако́ннаго сенóвнаго писа́ния

новописа на сем Плотию пригвоздивыйся Бог/ и душегубительный недуг лести отгна.

**На юныя возложив длани божественный Израиль, крестовидно главы являше,/ яко старейшая слава, законслужители людие./ Тёмже, подмнёвса тако испрельститися, не измени жизнотснаго образа:/ превзыдут бо людие Христовы Божии новоутвержденнии,/ вопияху, Крестом ограждаеми.**

#### **Кондак, глас 4. Самоподобен:**

**Вознесыйся на Крест волею,/ тезоименитому Твоему новому жителству/ щедроты Твоя даруй, Христе Боже,/ возвесели нас силою Твоею,/ победы дай нам на сопостаты,/ пособие имущим Твое оружие мира, // непобедимую победу.**

#### **Ўкос:**

**Иже до третияго Небесэ восхищен бысть в рай/ и глаголы слышав неизреченныя и Божественныя,/ ихже не леть\* языки (человеческими) глаголати,/ что Галатом пишет, яко рачителие Писаний прочтосте и познасте:/ мне, глаголет, хвалитися да не будет, токмо во едином Кресте Господни,/ на нёмже, страдав, уби страсти./ Того убо и мы известно держим, Крест Господень, хвалу вси:/ есть бо нам спасительное сие Древо/ оружие мира, непобедимая победа.**

#### **Песнь 7**

**Ирмос: Безумное веление/ мучителя злочестиваго люди поколеба,/ дышущее прещение и злохуление богомерзкое;/ обаче три отроки не устраши ярость зверская,/ ни огонь снаяй,/ но, противодышущу росотному Духу,/ со огнём суще, пояху:// препетый отцев и нас Боже, благословен еси.**

**От древа вкусив, первый в человецех в тление вселися:/ отвержением бо жизни безчестнейшим осудився,/ всему роду телотленен некий яко вред недуга преподаде;/ но, обретше, земнороднии, возвание крестным Древом, зовем:/ препетый отцев и нас Боже, благословен еси.**

**Разруши повеление Божие преслушание,/ и древо принесё смерть человеком,/ еже неблагоприятно**

\* Не леть — нельзя, невозможно.

прича́стно бѣ́вшее; / во утвержде́ние же зело́ честна́го / отгуду́ жизни дре́во возбрана́емо бе, / е́же разбо́йнику злоуме́ршу отвѣ́рзе, благо́разумно зову́щу: / препе́тый отце́в и нас Бо́же, благо́словен еси́.

**Жезла́** объе́млет край Иосифова, / бу́дущая зря, Израи́ль, / Ца́рствия держа́вное, / я́ко возы́муществит пре-сла́вный Крест, проявля́я: / сей бо ца́рей победоно́сная похва́ла и свет ве́рою зову́щим: / препе́тый отце́в и нас Бо́же, благо́словен еси́.

### Песнь 8

**Ирмо́с:** Благо́словите, о́троцы, / Трѳи́цы равночи́слен-нии, / Соде́теля Отца́ Бо́га, / по́йте снизше́дшее Сло́во, / и о́гнь в ро́су претво́ршее, / и превозно́сите всем жизнь подава́ющаго // Ду́ха Всесвята́го во ве́ки.

Воздвиза́ему Дре́ву, / окропле́ну Кро́вию вопло́щшагося Сло́ва Бо́га, / по́йте, Небе́сныя Си́лы; / земныхъ возва́ние пра́зднующе, лю́дие, / поклоните́ся Хри́стову Кресту́, / и́мже ми́ру воста́ние во ве́ки.

Земноро́дни, длáньми, строите́лие благода́ти, / Крест, на не́мже сто́яше Хри́стос Бог, возно́сите священноле́пно / и копи́е, Бо́жия Сло́ва Те́ло пробод́шее, / да ви́дят язы́цы вси спасе́ние Бо́жие, / сла́вяще Егó во ве́ки.

Боже́ственным судо́м предызбра́ннии, веселите́ся, / христиáнстии ве́рнии ца́рие, / хвалите́ся победоно́сным ору́жием, / прие́мше от Бо́га Крест честный: / в сем бо ко́лена бра́ней, де́рзости и́щуще, / разсы́паются во ве́ки.

**На 9-й пѣсни Честна́йшую: не поём, но поём припѣв пра́здника: Велича́й, душе́ моя, // пречестный Крест Господень. Та́же ирмо́с 1-го канона: Та́ин еси́, Богоро́дице, рай:**

**И други́й лик подобне, припѣв и ирмо́с. И к про́чим 6-ти стихо́м то́йже припѣв поём.**

### Песнь 9

**Ирмо́с:** Та́ин еси́, Богоро́дице, рай, / невозде́ланно воз-растѣ́вший Хри́ста, / И́мже крѣ́стное живонóсное на землѣ́ насади́ся Дре́во; / тем, ны́не возно́симу, // покла́няющеся Е́му, Ты велича́ем.

Да возра́дуются древа́ дубра́вная вся, освя́тившуся есте́ству их, / от Него́же изна́чала насади́шася, / Хри́сту распросте́ршуся на Дре́ве; / тем, ны́не возно́симу, / по-кланя́ющеся Е́му, Ты велича́ем.

Священнѣй востá рог/ и главá всем богомúдрым,  
Крест,/ íмже грѣшных мЫсленно стираются рóзи вси;/  
тем, ныне возносíму,/ покланяющеся ему́, Тя велича́ем.

**Другѣй припѣв:** Велича́й, душѣ моя́, // животворящаго  
Крестá Господня воздвѣжение. **И ирмос:** **Снедию дрéва:**  
**И другѣй лик подобне, припѣв и ирмос.** Тропарѣ же  
на 6 с сѣмже припѣвом.

### Ин

**Ирмос:** **Снедию дрéва рóду прибѣвша́я смерть/**  
**Крестомъ упразднѣся днесь,/ íбо прамáтерняя всерóдная**  
**клятва разрушѣся/ Прозябѣнием Чѣстыя Богомáтере, //**  
**Юже вся Сѣлы Небѣсныя велича́ют.**

Гóрести убѣйственныя, яже от дрéва, не оставив,  
Гóсподи,/ Крестомъ бо сию́ совершенно истребѣл  
есѣ./ Сего́ рáди и дрéвом усладѣ иногда́ гóреть вод  
Мѣрры:/ прообразу́ющее Крестá дѣйство,/ еже вся  
Сѣлы Небѣсныя велича́ют.

Непрестáнно грузáемья мрáком праотца, Гóсподи,/  
Крестомъ возвысил есѣ днесь,/ я́ко бо лѣстию весьма́  
неудержáнно естество́ преднизведѣся,/ всерóдне ны  
пáки испрáви свет Крестá Твоегó,/ егóже, вѣрнии,  
велича́ем.

Да образ пока́жеши мѣру покланя́емый, Гóсподи,  
Крестá,/ во всехъ я́ко преслáвный, на небесѣхъ изобразѣл  
есѣ,/ свѣтомъ безмѣрнымъ озарѣн,/ царю́ всеорúжие непо-  
бѣдѣмое./ Темъ Тя вся Сѣлы Небѣсныя велича́ют.

**Катавáсия:** **Тáин есѣ, Богорóдице, рай: Другѣй:**  
**Снедию дрéва: С припѣвы. И поклóн.**

### Светѣлен.

Подóбен: Ученикомъ:

Крестъ хранѣтель всея́ вселѣнныя,/ Крестъ красота́  
Цѣркве,/ Крестъ царѣй держáва,/ Крестъ вѣрныхъ утверж-  
дѣние,/ Крестъ Ангеловъ слáва и демоновъ язва. *Дважды.*

### Слáва, и ныне:

Подóбен: Жены́, услышите:

Крестъ воздвизáется днесь, и миръ освящáется:/ Íже  
бо со Отцѣмъ седя́й и Дúхомъ Святы́м/ на семъ рúце рас-  
прострѣ,/ миръ весь привлечѣ к Твоему́, Христѣ, по-  
знáнию;/ íже úбо на Тя надѣющѣся/ божѣственныя  
сподóби слáвы.

**На хвалітех стихіры, на 4, глас 8. Самоподобен:**

**О,** пресла́внаго чудесе́,/ живонóсный сад,/ Крест пресвяты́й/ на высоту́ возносímь явля́ется днесь./ Славосло́вят вси концы́ земни́и,/ устраша́ются де́монския полки́./ **О,** каковы́й дар земны́м дарова́ся!/ **И́мже,** Христе́, спаси́ ду́ши на́ша, // я́ко Еди́н Благоутро́бен. *Два́жды.*

**О,** пресла́внаго чудесе́,/ я́ко грозд, испо́лнен живота́,/ понесы́й Вы́шняго,/ от земли́ воздвига́емь Крест ви́дится днесь,/ и́мже вси к Бо́гу привлеко́хомся,/ и поже́рта бысть до конца́ смерть./ **О,** Дре́во пречестно́е,/ и́мже восприя́хом во Еде́ме безсме́ртную пи́щу, // Христа́ сла́вяще!

**О,** пресла́внаго чудесе́,/ широта́ Креста́ и долготá/ Небеси́ равна́ есть,/ я́ко Божество́нною благода́тию освяща́ет всяческа́я./ **О** сем язы́цы ва́рварстии побежда́ются,/ о сем ски́птры царей́ утвержда́ются./ **О,** божество́нныя ле́ствицы,/ е́юже восходи́м на Небеса́, // вознося́ще в пе́снях Христа́ Го́спода!

**Сла́ва, и ны́не, глас 6:**

**Днесь** происходи́т Крест Госпо́день,/ и ве́рнии прие́млют то́го желáнием,/ и ве́змлют исцелéния ду́ш и те́ла/ и вся́кия болéзни./ Сего́ целу́им ра́достию и стра́хом:/ стра́хом, греха́ ра́ди, я́ко недосто́йни су́ще;/ ра́достию же, спасéния ра́ди,/ е́же подаёт ми́ру на том пригвозди́выйся Христо́с Бог, // имéяй ве́лию ми́лость.

**И славосло́вие вели́кое т́хо и согла́сно пою́т.**

**А о крестном воздви́жении и о поклонéнии, я́коже уста́в повелева́ет.**

**Егда́ же целу́ем честны́й Крест, поём стихіры самогласны́ честна́го Креста́, глас 2:**

**Прииді́те,** ве́рнии,/ животворя́щему Дре́ву поклоні́мся,/ на нёмже Христо́с, Царь сла́вы, волею́ ру́це распротёр,/ вознесе́ нас на пе́рвое блаже́нство,/ я́же пре́жде враг сла́стию укра́д,/ изгна́ны от Бо́га сотвори́./ **Прииді́те,** ве́рнии, Дре́ву поклоні́мся,/ и́мже сподобихомся невидимых враг сокруши́ти главы́./ **Прииді́те,** вся отéчествия язы́ков,/ Крест Госпо́день пе́снями почт́им./ Ра́дуйся, Кресте́, па́дшаго Ада́ма

совершенство избавление! / О тебе бо вернейшии царие наши хвалятся, / яко твоєю силою исмаильтеския люди державно покаряюще. / Тя ныне со страхом христиане целующе, / на тебе пригвоздившагося Бога славим, глаголюще: / Господи, на том пригвоздивыйся, помилуй нас, // яко Благ и Человеколюбец.

**Глас 5:** Приидите, людие, / преславное чудо видяще, Креста силе поклонимся: / яко древо в рай смерть прозябе, / сие же жизнь процвете, / безгрешнаго имущее пригвожденна Господа, / от Негоже, вси языцы, нетление вземлюще, зовем: / Иже Крестом смерть упраздненный // и нас свободивый, слава Тебе.

**Глас тойже:** Глас пророк Твоих, Исаии и Давида, / исполнися, Боже, глаголющий: / придут вси языцы, Господи, / и поклонятся пред Тобою. / Се бо людие, иже Твоея, Блаже, благодати наполнишася, / во дворех Твоих Иерусалима. / Крест претерпевый за ны / и Воскресением Твоим животворяй, // сохрани и спаси ны.

**Глас 6:** Четвероконечный мир / днесь освящается, / четверочастному воздвизаему Твоему Кресту, Христе Боже наш, / и рог верных христиан совозносится; / тем врагов сокрушаем роги. / Велий еси, Господи, / и дивен в делах Твоих, // слава Тебе.

Пророков гласи / Древо святое предвозвестиша, / имже древняя свободися клятвы смертныя Адам, / тварь же, днесь возноsimу тому, совозвышает глас, / от Бога просящи богатыя милости; / но, Единый в благоутробии безмерный, Владыко, / очищение буди нам // и спаси души наша.

**Глас 8:** Глас пророка Твоего Моисея, Боже, / исполнися, глаголяй: / узрите Живот ваш, висящ пред очесы вашими. / Днесь Крест воздвизается, / и мир от лести свободяется, / днесь Христово Воскресение обновляется, / и концы земли радуются, / в кимвалех давидски песнь Тебе приносяще и глаголюще: / соделал еси спасение посреде земли, Боже, / Крест и Воскресение, / ихже ради нас спасл еси, Блаже и Человеколюбче, // Всесильне Господи, слава Тебе.

**Глас тойже:** Днесь Владыка твари / и Господь славы / на Кресте пригвождается / и в ребра прободается, / желчи и оцта вкушает Сладость церковная, / венцем от терния облагается покрываяй небо облаки, / одеждею



облачѣтся поруганія и заушѣется брѣнною рукою,/ рукою создавѣй челоуѣка,/ по плещѣма биен бывѣает,/ одеваѣя небо облаки,/ заплеванія и раны приѣмлет,/ поношенія и заушенія,/ и вся терпѣт менѣ ради, осужденнаго,/ Избавитель мой и Бог,/ да спасѣт мир от прѣлести, // яко Благоутрѣбен.

### Слава и ныне, глас тойже:

Днесь Неприкосновенный Существом/ прикосновен мне бывѣает/ и страждет Страсти,/ свободѣая мя от страстей,/ свет подавая слепым/ от беззаконных устен оплевѣается/ и даѣт плещи за плененныя на раны./ Сего Чѣстая Дѣва и Мати на Крестѣ зрящи,/ болѣзненно вещаше:/ увы Мне, Чѣдо Моѣ,/ что сие сотворил еси?/ Красный добротою паче всех челоуѣк/ бездыханный, беззрачный являешися,/ не имѣя вида, ниже доброты,/ увы Мне, Мой Свете,/ не могу спяща зрѣти Тя,/ утробою уязвляюся,/ и лютое оружье сердце Моѣ проходит;/ воспеваю Твою страсти,/ покланяюся благоутрѣбию Твоему, // Долготерпеливе Господи, слава Тебѣ.

Тѣже ектений, и прочее обычное. И бывѣает совершенный отпѣст.

### НА ЛИТУРГІИ

#### Антифѣн 1-й, глас 2.

**Псалом 21. Стих 1:** Бѣже, Бѣже мой, вонми ми,/ вскую оставил мя еси?

Молѣтвами Богородицы, Спасе, спаси нас.

**И паки другій лик, стих 2:** Далече от спасенія моего/ словеса грехопадѣній моих.

Молѣтвами Богородицы, Спасе, спаси нас.

**И паки 1-й лик, стих 3:** Бѣже мой, воззову во дни, и не услышиши,/ и в нощи, и не в безуміе мне.

Молѣтвами Богородицы, Спасе, спаси нас.

**Тѣже вторій лик, стих 4:** Ты же во святѣм живѣши,/ Хвалѣ Израїлева.

Молѣтвами Богородицы, Спасе, спаси нас.

Слава, и ныне: Молѣтвами Богородицы, Спасе, спаси нас.

**Антифóн 2-й, глас 2.**

**Псалóм 73. Стих 1:** Вскúю, Бóже,/ отринул ны еси до концá?

**Спаси ны, Сыне Бóжий,/ Плóтию распныйся, поющия Ти:/ аллилúия.**

**Другий лик, стих 2:** Помяни сонм Твой,/ егóже стяжал еси исперва.

**Спаси ны, Сыне Бóжий,/ Плóтию распныйся, поющия Ти:/ аллилúия.**

**Стих 3:** Горá Сион сия,/ в нейже вселился еси.

**Спаси ны, Сыне Бóжий,/ Плóтию распныйся, поющия Ти:/ аллилúия.**

**Стих 4:** Бог же, Царь наш, прёжде вéка/ содела спасение посреде земли.

**Спаси ны, Сыне Бóжий,/ Плóтию распныйся, поющия Ти:/ аллилúия.**

**Слава, и ныне: Единорóдный Сыне: Óба лика вкупе.**

**Антифóн 3-й, глас 1.**

**Псалóм 98. Стих1:** Госпóдь воцарися, да гнёваются лю́дие.

**Тропáрь, глас 1:**

**С**паси, Гóсподи, лю́ди Твоя/ и благослови́ достойные Твое, / победы на сопротивныя даруя// и Твое сохраняя Крестóм Твоим жителство.

**Другий лик, тойже стих:** Госпóдь воцарися, да гнёваются лю́дие,/ седяй на Херувимех, да подвижится земля.

**Тропáрь:** Спаси, Гóсподи, лю́ди Твоя:

**И паки первый лик, стих 3:** Госпóдь в Сионе велик/ и высóк есть над все́ми людми́.

**Тропáрь:** Спаси, Гóсподи, лю́ди Твоя:

**Другий лик, стих 4:** Поклонитеся Гóсподеви во дворе́ святём Егó.

**Тропáрь:** Спаси, Гóсподи, лю́ди Твоя:

**Таже вход. Диáкон речёт:** Премúдрость, прóсти.

**Мы же входное:** Возносите Гóспода Бóга нашего/ и поклоняйтеся подно́жию но́гу Егó, я́ко свято есть.

**Таже тропáрь:** Спаси, Гóсподи, лю́ди Твоя:

**Слава, и ныне, кондак, глас 4:**

**В**ознесѣйся на Крест волею, / тезоименитому Твоему  
новому жителству / щедроты Твоя даруй, Христѣ  
Бѣже, / возвесели нас силою Твоею, / победы дай нам  
на сопостаты, / посѣбие имущим Твое оружье мира, //  
непобедимую побѣду.

**Вместо же Трисвятаго: Кресту Твоему поклоняемся,**  
Владыко, / и святое Воскресение Твое славим.

**Прокимен, глас 7: Возносите Господа Бога нашего //**  
и поклоняйтесь подножию ногу Его, яко свято есть.

**Стих: Господь воцарися, да гневаются людие.**

**Апостол к Коринфяном, зачало 125.**

**Аллилуйя, глас 1: Помяни сонм Твой, егѣже стяжал**  
еси исперва. **Стих: Бог же, Царь наш прежде века,**  
содѣла спасение посреде земли.

**Евангелие от Иоанна, зачало 60.**

**Причастен: Знаменася на нас свет лица Твоего,**  
Господи.

**На трапѣзе же бываѣет утешение братии, от елѣя, и**  
**вина, и прочих снедей овоцных; сыра же, и яиц, и рыбы**  
**никакоже дерзнем коснутися.**

**Воздвижение честного и животворящего Креста Господня.** Господь наш Иисус Христос, распятый и умерший за грехи всего мира на Голгофе, был снят с Креста праведным Иосифом Аримафейским и положен в пещере в саду, находившемся недалеко от места распятия (смотри: Ин. 19, 38–42). Иудеи там же, на Голгофе, зарыли в землю Крест Господень и кресты, на которых были распяты два разбойника, сохранив это место в тайне.

Через 70 лет Иерусалим был до основания разрушен войсками римского императора Тита; следующие императоры-язычники поставили своей целью полностью уничтожить в памяти людей воспоминания о священных местах, где пострадал за людей и воскрес Господь наш Иисус Христос. Император Адриан (117–138), ненавидевший христиан, приказал засыпать землей Голгофу и Гроб Господень и на этом месте на искусственном холме поставить капище языческой богини Венеры и статую

Юпитера. Сюда собирались язычники и совершали всякие непотребства.

Прошло около 200 лет. Промыслом Божиим великие христианские святыни — Гроб Господень и животворящий Крест — были вновь обретенны христианами и открыты для поклонения. Это произошло при равноапостольном Константине Великом, первом из римских императоров, прекратившем гонения на христиан.

Император Константин Великий (306–337) после победы в 312 году над Максентием, правителем западной половины Римской империи, и над Ликинием, правителем восточной ее половины, в 323 году сделался единодержавным правителем всей огромной Римской империи. В 313 году он издал так называемый Миланский эдикт — указ, по которому христианская религия была объявлена законной, и гонения на христиан в западной части империи прекратились. Правитель восточной части — Ликий, хотя и подписал в угоду Константину

Миланский эдикт, однако продолжал гонения на христиан. Только после его окончательного поражения и на восточную часть империи распространился указ о веротерпимости 313 года.

Святой Константин, одержавший в трех войнах победу над врагами при помощи Господа, явившего ему на небе Свое знамение — звездный Крест, горячо желал отыскать подлинный Крест, на котором был распят Господь наш Иисус Христос. С этой целью он направил в Иерусалим свою мать, святую царицу Елену, снабдив ее большими полномочиями, внушительными денежными суммами и письмом к Патриарху Макарию. Хотя царица Елена к этому времени была уже старицей, она с воодушевлением взялась за исполнение данного ей сыном-императором поручения. Языческие капища и идольские статуи, наполнявшие Иерусалим, царица повелела уничтожить; она расспрашивала многих христиан и иудеев, разыскивая животворящий Крест, но долгое время ее поиски оставались безрезультатными; наконец иудеи указали ей на одного старого еврея по имени Иуда, который мог сообщить царице сведения о Кресте Христовом. Иуда вначале отказывался сказать ей то, что знал, но затем, когда его посадили в глубокий ров, он открыл ей, что Крест зарыт на том месте, где было капище Венеры.

Капище было разрушено до основания, и земля тщательно освобождена от всех его остатков. Тогда Патриарх Макарий совершил молитву, и начали копать землю. Действительно, на месте бывшего капища на большой глубине были обнаружены пещера и Гроб Господень и неподалеку — три креста, дощечка с надписью Пилата и четыре гвоздя, пронзившие Тело Господа. Чтобы узнать, какой же из трех крестов является тем, на котором был распят Спаситель, Патриарх Макарий предложил возложить поочередно все три креста на покойника, которого в это время проносили мимо Голгофы. Когда Крест Господень был возложен на мертвеца, он встал живым из гроба. Таким образом все убедились, что животворящий Крест найден.

С великой радостью поклонились святому Кресту царица Елена,

Патриарх Макарий, духовенство и стоявшие вокруг христиане и с благоговением целовали великую святыню, а многие, не имевшие возможности из-за большого стечения народа подойти к Кресту и приложиться к нему, просили Патриарха поднять (воздвигнуть) Крест над толпой, чтобы издали поклониться ему. Тогда Патриарх и другие духовные лица неоднократно высоко поднимали святой Крест, а все люди зывали: «Господи, помилуй» — и благоговейно ему поклонялись. Это торжественное событие произошло в 326 году.

При обретении животворящего Креста совершилось и другое чудо: тяжелобольная женщина при осенении ее святым Крестом сразу исцелилась. Старец Иуда, открывший место, где был зарыт Крест, и другие евреи уверовали во Христа и приняли святое крещение. Иуда получил имя Кириак. Он удостоился священного сана и впоследствии был рукоположен во епископа Иерусалимского; в царствование Юлиана Отступника он принял мученическую смерть за Христа (память мученика Кириака — 28 октября).

Святая царица Елена со всем усердием позаботилась почтить места, связанные с земной жизнью Спасителя. Она воздвигла церкви в Вифлееме — на месте Рождения Христа, на горе Елеонской, откуда Господь вознесся на небо, в Гефсимании, где Спаситель молился в ночь перед Своими страданиями и где была погребена Божия Мать после Ее успения, и еще 18 других церквей.

Возвратившись в Константинополь, святая царица Елена привезла с собой часть животворящего Древа, гвозди, пронзившие Тело Господа, и другие святыни.

Император Константин повелел воздвигнуть в Иерусалиме величественный и обширный храм Воскресения Христова, включавший в себя и Гроб Господень, и Голгофу. Этот храм строился около 10 лет. Постройка храма была начата еще святой царицей Еленой, которая, не дождавшись освящения храма, скончалась в 327 году. На освящение храма прибыли епископы из многих стран. При громадном стечении народа храм Воскресения Христова был освящен

13 сентября 335 года. На следующий день, 14 сентября, установлено было праздновать Воздвижение честного и животворящего Креста.


В этот же день воспоминается и еще одно событие, связанное с Крестом Господним, а именно его возвращение после 14-летнего пленения в Персии обратно в Иерусалим. В царствование Византийского императора Фоки (602–610) персидский царь Хозрой II в войне против греков разбил греческое войско, разграбил Иерусалим и увез в плен животворящий Крест Господень и Патриарха Захарию. Крест пробыл в Персии 14 лет; лишь при следующем императоре — Ираклии (610–641), который с помощью Божией победил Хозроя и заключил мир с сыном последнего Сироесом, христианам была возвращена их святыня — Крест Господень. С великим торжеством животворящий Крест был принесен в Иерусалим.

Император Ираклий в царском венце и порфире нес на себе Крест Христов в храм Воскресения. Рядом

с царем шел Патриарх Захария. У ворот, которыми входили на Лобное место, император внезапно остановился и не мог двинуться дальше. Патриарх Захария объяснил царю, что ему преграждает путь Ангел Господень, говоря, что Тот, Кто нес на Лобное место Крест для искупления мира от грехов, не в таком виде совершил крестный Свой путь. Тогда Ираклий, сняв венец и порфиру, надел бедную одежду и босой двинулся дальше — так он внес Крест Христов в храм. Это произошло 14 сентября.

Таким образом, 14 сентября Церковь празднует два великих торжественных события — Воздвижение честного и животворящего Креста и возвращение его из персидского плена в храм Воскресения в Иерусалиме. И теперь в каждой церкви православные христиане, благоговейно поклоняясь выносимому из святого алтаря Кресту, воспевают: «Приидите, вернии, животворящему Древу поклонимся, на немже Христос, Царь Славы, волею рuce распростер, вознес нас на первое блаженство».

В  
тойже  
день



### Святителя Иоанна Златоустаго, архиепископа Константинограда

**Ведомо же буди, яко Златоустаго возследование в сей пресветлый день в Константине граде и повсюду не поется, Воздвижения ради честнаго Креста, Господскаго праздника, и предложися в 13-й день ноября месяца.**

